



故宮珍本叢刊

學海君道部

第二冊 共九冊

故宮博物院編 海南出版社

故宮珍本叢刊第 493 冊子部雜家類

故宮博物院編

學海君道部

第二冊（共九冊）

海南出版社



圖書在版編目(CIP)數據

故宮珍本叢刊.第 492~500 冊,子部.類書/故宮博物院編.-影印本.-海口:海南出版社,
2000.12

本輯包括:學海君道部/(明)饒伸輯

ISBN 7-80645-874-3

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2000)第 75627 號

故宮珍本叢刊第 493 冊

子部·類書

學海君道部

第二冊(共九冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 1 月第 1 版 2001 年 1 月第 1 次印刷

開本:787×1092 毫米 1/16 印張:24.5 印數:1-400 冊

ISBN 7-80645-874-3/Z·41

定價:5240 元(子部類書 33 種共 33 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

學海君道部卷之二十四

茅綯編

世系類二

列國譜系五

大國篇五

邾世章

邾子俠帝顓頊曾孫陸終第五子安之後也曹姓

史記陸終第五子曰曹姓邾是也詳楚世章

索隱曰世本云其五曰安是為曹姓宋衷云安名也曹姓者諸

曹所出也

正義曰括地志云故邾國在黃州黃岡縣東南百二十里

左傳正義曰邾曹姓顓頊之後有六終產六子其第五子曰安邾

列國譜系

卷五

即安之後也周武王封其苗裔邾俠為附庸居邾今魯國鄒縣是也自安至儀父十二世始見春秋

路史曰邾子俠晏安之苗裔也武王克殷封俠為邾子居邾後遷

婁是為邾婁今濟之任城南二十有邾婁城吳苒都邾毛實字邾城在是并江

夏說文江夏邾縣玉篇魯附庸地隔亦在黃黃岡東南百二十里邾縣故城楚宣滅邾徙之此

邾子克

春秋魯隱公元年春三月公及邾儀父盟於蔑

左傳邾子克也未王命故不書爵曰儀父魯也

杜注曰王未賜命故不書爵其後儀父服事齊桓以襄王室王

命以為邾子

正義曰莊十三年齊桓會諸國於北杏邾人在焉及十六年

而書邾子克卒故知由事齊桓乃得王命也賈服以為北杏

之會時已得王命蓋以北杏之會邾人在列故謂其已得命

也列與不列在於主會之意不由有爵與否襄二十七年宋

之盟齊人請邾宋人請滕邾滕不列於會故不書邾滕襄五

年戚之會穆叔以屬鄆為不利使鄆大夫聽命於會故經書

鄆人然則為公私屬則不列於會不為人私屬則列於會不

可據列會與否以明有爵也昭四年申之會淮夷列焉未必

有爵也邾今無爵得與魯盟北杏會齊何須有爵齊桓之霸

自鄆如耳北杏之時諸侯未從霸功未立桓尚未有殊勳儀

父何足可紀且齊桓未有功於王焉能使王命之其得王命

必在北杏之後但未知定是何年耳

列國譜系

卷五

公羊傳儀父者何邾婁之君也何以名字也曷為稱字褒之也曷為褒之為其與公盟也

穀梁傳儀父也父猶傳也男子之美稱也其不言邾子何也邾

之上古微未爵命於周也

程子曰邾附庸國邾子克字儀父附庸之君稱字同王臣也夷

狄則稱名降中國也

胡傳邾者魯之附庸儀父字也中國之附庸例稱字

隱公五年春秋邾人鄭人伐宋七年乙丑秋公伐邾

左傳宋人取邾田邾告於鄭鄭人以王師會之伐宋入其郕七

年魯伐邾為宋討也

桓公十五年甲申夏五月邾人牟人葛人來朝

十七年丙戌春二月公會邾儀父盟於雒秋八月及宋人衛人伐邾

臨川吳氏曰隱元年及邾盟七年而隱公淪盟伐邾桓公八

年又伐邾魯邾不通好十有餘年至桓十五年邾同牟葛朝魯

既朝之後二國欲尋舊盟而平其再伐之怨故邾來魯地受盟

而公與之盟也

莊公十三年庚子春齊侯宋人陳人蔡人邾人會於北杏

十六年癸卯冬十二月邾子貳卒

穀梁傳其曰子進之也范註附齊而尊王室王命進其爵

杜氏曰克儀父名稱子者蓋齊桓請王命以為諸侯

高氏曰不能五十里為附庸若有功加地滿五十里則列為子

男邾本附庸齊桓始霸從其征伐有功王室以是請王命而爵

列國諸系

卷五

三

之為子聖人因其卒也而著之

陳氏曰向也曰儀父今曰邾子已賜之爵也春秋之初諸侯猶

稟命於天子是年王使虢公命曲沃伯為晉侯詩人為之賦無

衣則諸侯猶有黜陟也

邾子貳克之子在位十二年

春秋莊公二十八年乙卯夏四月丁未邾子貳卒

文公遷除瑱之子在位五十二年元丙辰

春秋僖公元年戊壬秋八月公會齊侯宋公鄭伯曹伯邾人於榿九

月公敗邾師於偃

十八年己卯春正月宋公曹伯衛人邾人伐齊

十九年庚寅夏六月宋公曹人邾人盟於曹南邾子會盟於邾已酉

邾人執鄆子用之

二十二年癸巳春公伐邾取須句秋八月丁未及邾人戰於升陘

左傳邾人以須句故出師公卑邾不設備而禦之臧文仲曰國

無小不可易也無備雖眾不可恃也君其無謂邾小蠹蠹有毒

而況國乎弗聽八月丁未公及邾師戰於升陘我師敗績邾人

獲公曹縣諸魚

二十八年己巳冬公會晉侯齊侯宋公蔡侯鄭伯莒子邾子於溫

厄言曰邾子克從齊桓為北杏之會既進爵為子矣春秋於其

會也書於人其卒也書子則邾已列於諸侯文公立而會諸侯

於榿魯猶敗其師及從宋公曹伯伐齊而執殺鄆子又敗魯師

於升陘則邾又寢強矣晉文溫之會邾子遂與諸侯並序豈文

列國諸系

卷五

四

卒而魯方伐邾以報升陘之役邾文蓋能審勢度德以保其國

者此魯雖數加兵而卒不勝也

二十三年甲辰夏四月公伐邾取訾婁秋公子遂帥師伐邾

左傳公伐邾取訾婁以報升陘之役邾人不設備秋襄仲復伐

邾

文公七年辛丑春公伐邾三月甲戌取須句

左傳文公七年辛丑公伐邾取須句寘文公子焉禮也

僖公取須句反其君後復為邾所敗今魯再取之邾文公子

叛在魯故魯使之為須句大夫

文公十三年丁未夏五月邾子遠除卒

左傳邾文公卜遷於繹史曰利於民而不利於君邾子曰苟利

於民孤之利也天生民而樹之君以利之也民既利矣孤必興

焉左右曰命可長也君何弗爲邾子曰命在養民死之短長時也民苟利矣遷也吉莫如之遂遷於繹五月邾文公卒君子曰

知命

定公纘且文公子在位四十年元戊申

春秋文公十四年戊申春正月邾人伐我南鄙叔彭生帥師伐邾

左傳邾文公之卒也公使弔焉不敬邾人來討伐我南鄙故惠

伯伐邾

夏六月晉人納捷菑於邾弗克納

左傳邾文公元妃齊姜生定公二妃晉姬生捷菑文公卒邾人

立定公捷菑奔晉七月晉趙盾以諸侯之師八百乘納捷菑於

列國諸系

卷五

五

邾邾人辭曰齊出纘且長宣子曰辭順而弗從不祥乃遣

宣公元年戊申秋邾子來朝

十年壬戌秋公孫歸父帥師伐邾取繹

正義曰傳稱邾文公遷於繹則繹爲邾之都矣更別有繹邑今

魯伐取之非取邾之都也亦因繹山爲名蓋近在邾都之旁耳

十七年戊辰夏六月公會晉侯衛侯曹伯邾子會盟於斷道

成公十七年丁亥冬十二月邾子纘且卒

卮言曰邾定公之世經書邾子會盟者四書邾子者七

宣公纘定公子在位十八年元戊子

春秋成公十八年戊子秋八月邾子來朝

左傳八月邾宣公來朝卽位而來見也

襄公元年己未秋九月邾子來朝

左傳四年壬辰冬十月邾人莒人伐鄆臧孫紇救鄆侵邾敗於

狐駘六年甲午穆叔如邾聘且修平

十六年甲辰春三月公會晉侯邾子十一於溴梁晉人執莒子邾子

以歸

左傳會於溴梁命歸侵田以我故執邾宣公莒犁比公且曰通

齊楚之使

杜氏曰邾莒二國數侵魯又無道於其民故晉爲魯討之邾

莒在齊楚往來道中故并以此責之

十七年己未春二月邾子慆卒

孫氏曰去年晉執以歸此書卒者晉人尋赦之也

列國諸系

卷五

六

卮言曰宣公之世與諸侯會盟邾子者十書邾人者九

悼公華宣公子在位十五年元丙午

春秋襄公十七年己未邾人伐我南鄙十八年丙午冬十月公會晉

侯邾子十二同圍齊十九年丁未春正月諸侯盟於祝柯晉人執邾

子公至自伐齊取邾因自漵水

左傳諸侯還自沂上盟於督揚執邾悼公以其伐我故遂次於

泗上疆我田取邾田自漵水歸之於我邾田在漵水北今更以

二十年戊申春正月公會晉侯邾子十三盟於澶淵秋仲孫速帥師

伐邾黃氏震曰祝柯之會晉已爲魯執邾子取邾田矣

左傳盟於澶淵齊成故也邾人驟至以諸侯之事弗能報也秋

孟莊子伐邾以報之戰數也十五年十七年邾伐魯

二十一年配春邾庶其以漆間丘來奔

昭公元年庚辰夏六月丁巳邾子華卒秋葬邾悼公

卮言曰悼公之世與諸侯會盟書邾子者五

莊公穿悼公子在位三十四年元辛酉

昭公十一年庚辰仲孫獲會邾子盟於祿祥

十二年申壬秋公會劉子晉侯邾子諸侯於平丘

左傳晉會諸侯於平丘邾莒愬於晉曰魯朝夕伐我幾以矣我之不共以魯之故晉侯不見公執季孫意如以歸

春秋昭公十八年丁丑夏六月邾人入郕十九年戊寅春宋公伐邾

左傳邾襲郕人之盡俘以歸既而反郕夫人舍其女夫人宋女也十九年宋爲郕故伐邾圍蟲三月取之乃盡歸郕俘邾人郕

列國譜系

卷五

七

人齊人會宋公同盟於蟲二十三年壬午邾人城翼還將自離姑

公孫鉏曰魯將御我欲自武城還循山南徐邾丘弱茅地曰

道下遇雨將不出是不歸也遂自離姑武城人離姑歸林道經魯之武城塞

其前斷其後之木而弗殊邾師歸之乃推而壓之遂取邾師獲

鉏弱地邾人愬於晉晉執我行人叔孫婼使與邾大夫坐叔孫

曰列國之卿當小國之君固周制也邾又夷也寡君之命介子

服固在請使當之乃不果坐韓宣子使各居一館士伯聽其辭

而想諸宣子乃皆執之士伯御叔孫從者四人過邾館以刃吏

欲使諸人見叔孫之馬導先歸邾子次年乃歸叔孫

二十七年庚午冬十月邾快來奔

二十一年庚辰冬黑肱以濫來奔

定公三年甲午春二月辛卯邾子穿卒秋葬邾莊公

卮言曰莊公之世與諸侯會盟書邾子者三邾人者二

隱公益莊公子在位二十年奔齊

春秋定公三年甲午冬仲孫何忌及邾子盟於拔修邾好也

十五年丙午春正月邾子來朝夏五月公薨邾子來奔喪

左傳邾隱公來朝子貢觀焉邾子執玉高其容仰公受玉拜其

容附子貢曰以禮觀之二君者皆有死以焉

左傳哀公二年戊申魯伐邾將伐絞邾人愛其土故賂以郛沂之

田乃盟於句繹見經錄傳省文

哀公七年戊申秋公伐邾八月己酉入邾以邾子益來

左傳季康子欲伐邾邾大夫以謀之子服景伯曰小所以事大

列國譜系

卷五

八

信也大所以保小仁也背大國不信伐小國不仁民保於城城

保於德失二德者危將焉保孟孫曰二三子以爲何如惡賢而

逆之對曰禹合諸侯於塗山執玉帛者萬國今其存者無數十

焉惟大不字小小不事大也知必危何故不言魯德如邾而以

衆加之可乎不樂而出秋伐邾茅成子請告於吳不許成子以

茅叛師遂入邾處其公宮衆師盡掠邾衆保於繹師宵掠以邾

子益來獻於毫社因諸負瑕負瑕故有繹邾茅夷鴻自請救於

吳吳子從之

八年甲寅夏歸邾子益於邾

左傳齊侯使如吳請師將以伐我乃歸邾子邾子又無道吳子

使太宰子餘討之囚諸樓臺梏之以棘使諸大夫奉太子革以

為政

十年丙辰春二月邾子益來奔左傳邾隱公來奔

陳氏曰吳人討邾奉太子為政而後奔則其但書奔何以是為自失國也春秋之法審其道足以失國雖有敵國猶以自致之文書之

傳二十二年戊辰夏四月邾隱公自齊奔越曰吳為無道執父立子越人歸之太子革奔越

正義曰革為邾君十餘年矣仍稱為太子者承其父歸之下故繫言之

桓公革隱公子在位十年自丁巳至戊辰

公子何革之第

列國譜系 卷五

九

左傳哀公二十四年庚午夏邾子又無道越人執之以歸而立公子何何亦無道二十七年癸酉越子使后庸來聘且言邾田封於駘上盟於平陽

邾

史記索隱曰邾縣地名又云邾邾人徙邾故也

路史曰騶繹也亮之邾縣有繹山邾文公遷繹後曰騶故或謂騶

卽邾內傳邾伐魯史作騶也劉蒼騶山記云邾山卽古騶也邾文公所卜邾縣本邾國魯穆公曰邾西

山從邑變邾城在山南通典古騶則今之邾平廣武德為州元年

云周四十里在邾縣東南玉篇邾古扶風附庸國

邾公

孟子邾與魯開穆公問曰吾有司死者三十三人而民莫之死也

誅之則不可不勝誅不誅則疾視其長上之死而不救如之何則可也

黃氏曰邾小國也交隣睦事伯謹君臣多賢庶幾守禮義者至穆公之時邾與魯開有司死者三十三人惟民不死難而仁政之言猶得聞於孟子則邾之為國猶未至於空虛也故能介於大國之間與春秋始終迄戰國而未亡

羅氏曰趙岐云邾本春秋邾子之國至孟子時改曰邾後為魯所并又言楚并者非然邾邾本二近而移非改也又諸邾為魯并而

邾為楚并

小邾世章

邾友邾俠之後也

列國譜系 卷五

十

春秋說曰小邾曹姓子爵出自邾俠之後夷父顏有功於周周封其子友於邾為附庸其地在東海昌慮縣東北邾城是也

左傳正義曰世本言肥杜譜言友當是一人

路史曰朱友以父夷甫顏功封邾從齊勤王命為小邾子左傳高

厚定邾田今承縣滕東南有邾故城晉志蕃縣古小邾國隋曰滕

今隸沂邵曰蕃卽小邾國魯附庸漢蕃縣一云仙源故曲阜東南

四十古邾城或以此為邾婁非也

小邾子

春秋莊公五年壬辰秋邾黎來左傳名朝

杜氏曰未受爵命為諸侯傳發附庸稱名例也其後數從齊

桓以尊周室王命以為小邾子

公羊傳邾者何小邾婁也曷為謂之邾未能以其名通也黎來者何名也其名何微國也

穀梁傳邾國也邾來微國之君未爵命者也

胡傳邾國也黎來名也國何以名夷狄之附庸也中國之附庸

例稱字邾儀父蕭叔是也夷狄之附庸例書名邾黎來介葛盧

是也能修朝禮故特書曰朝其後卒能從齊桓尊周室王命為

小邾子

張氏曰按宋仲幾云滕薛邾吾役也則邾蓋宋之附庸非夷狄

也而不得與邾儀父同稱字者臨江劉氏以為未成國謂之邾

其或然歟

王氏曰邾邾之別而以名見者春秋繁露曰附庸字者方三十

列國譜系

卷五

十一

里名者方二十里邾國小故與介同稱邾又猶有禮故介又不

可以語此故介止言來而邾則兼曰朝

廬陵李氏曰邾以僖七年書小邾子其來朝五此年及僖七年

七昭三昭十七年也其後服役於宋故宋仲幾曰滕薛邾吾役

也其不得與儀父書字例者未能同於中國也其不與介葛盧

書來例者已能進於禮也

十五年

壬寅春秋宋人齊人邾人伐邾

杜氏曰附庸屬宋而叛故齊桓為之伐邾

汪氏曰石氏謂邾有二邾黎來乃小邾國三國伐邾乃宋之附

庸今考伐邾而後經不書邾惟小邾城成周之役經書小邾人

而宋仲幾曰邾吾役也昭二十年傳稱邾申杜氏云小邾穆公

子必有所據則邾為小邾明矣

僖公七年

戊辰夏小邾子來朝公羊傳作邾婁子

杜氏曰邾黎來始得王命而來朝邾之別封故曰小邾

何氏曰齊桓公請天子進之

穆公

春秋襄公二年

庚寅秋七月仲孫蔑會晉荀偃小邾人於戚

左傳會於戚謀鄭故也孟獻子曰請城虎牢以偪鄭知武子曰

善鄭之會滕薛小邾之不至皆齊故也寡人之憂不惟鄭魯將

復於寡君而請於齊冬復會於戚齊崔武子及滕薛小邾之大

夫皆會知武子之言也

厄言曰小邾與滕薛皆屬齊至是始與諸侯會盟

列國譜系

卷五

十一

七年乙未夏四月小邾子來朝

左傳小邾穆公來朝亦始朝公也

九年

丁酉冬公會晉侯諸侯小邾子伐鄭同盟於戲以後盟會不載此章

昭公三年

壬戌秋小邾子來朝

左傳小邾穆公來朝季武子欲卑之穆叔曰不可季二和實

不忘我好敬以逆之猶懼其貳又卑一睦焉逆群好也其如

而加敬焉季孫從之

十七年

丙子春小邾子來朝

左傳春小邾穆公來朝公與之燕季平子賦采芣穆公賦芣菁

者義昭子曰不有以國其能久乎

又傳十九年戊寅齊侯伐邾邾人邾人徐人會宋公同盟於蟲

左傳曰小邾穆公之世與諸侯會盟春秋書小邾子者十二
書人者四朝魯書爵者三蓋亦杞桓桓文之類能自立者也
春秋昭公三十二年辛卯冬仲孫無忌會晉韓不信及諸侯小邾人

城成周

左傳孟懿子會城成周宋仲幾不受功曰滕薛邾吾役也詳薛

定公四年壬辰春三月公會劉子晉侯十六小邾子於召陵侵楚

哀公四年庚戌春宋人執小邾子

汪氏曰稱人以執非伯討也不稱名無罪也以私怨擅執小國
之君又不歸諸京師其罪大矣

十四年庚申春小邾射以句繹來奔一云小邾
繹大夫名

左傳小邾射以句繹來奔曰使季路要我吾無盟矣使子路子

列國諸系

卷五

主

路辭季康子使冉有謂之曰千乘之國不信其盟而信子之言

子何辱焉對曰魯有事於小邾不敢問故死其城下可也彼不

臣而濟其言是義之也由弗能

右小邾之見春秋經傳者惟二君其世莫考

廬陵李氏曰小邾亦曹姓之國介在海濱畏齊事魯而偏於宋非

一日也觀晉悼之世小邾不至於會悼公欲謀之其大夫曰是齊

故也魯襄之時小邾嘗至於朝襄公欲卑之其大夫曰是實不忘

魯好也非其畏齊事魯者歟魯莊公十五年經書伐邾者宋人哀

公四年經書執小邾子者宋人又非其偏於宋者然歟夫以弱國

小衆剪然求好於強齊宋魯之間常恐不足亦無可道者明矣然

攷之經紀朝而不稱侯以其不共於齊也朝也介來而不謂朝以

其不能乎朝也以至滕薛邾莒之侯皆以成國而駸駸焉趨於

僻陋之域而不自知春秋或自侯而書伯書子或自子而書人書

名其不能國亦可知矣獨小邾自邾黎來之來其國稱鄉則非成

國也其君稱名則未成君也其朝稱來則未成朝也豈不甚微矣

乎而黎來之後遂能以禮通於諸侯從齊桓以專周室而受附庸

之寄魯僖以後朝魯者四晉悼以後會晉者二十執玉瑞委而周

旋於強邦大侯之間從事於禮樂文物之盛是可嘉也已故嘗觀

於昭公十七年小邾子來朝於其燕也有青莢之賦叔孫昭子曰

不可以國其能久乎嗚呼藐然之邾偏而不傾與春秋終始焉是

豈無所自來歟

薛世章

列國諸系

卷五

十四

薛侯任姓黃帝之後也

世族譜曰薛任姓黃帝之苗裔奚仲封為薛侯今魯國薛縣是也

奚仲遷於邳仲虺居薛以為湯左相武王復以其胃為薛侯

路史曰黃帝少子禺陽受封於任為任姓生倭梁倭梁生番禺

番禺生奚仲帝少子禺陽受封於任為任姓生倭梁倭梁生番禺

後祖已七奚仲為夏車正建侯於薛又十二世仲虺為湯左相其

封薛侯於世成遷於華有女歸周是為太任生文王武王克殷復

春秋隱公十一年己巳春滕侯薛侯來朝

左傳春滕侯薛侯來朝爭長薛侯曰我先封滕侯曰薛庶姓也

我不可以後之公使羽父請於薛侯曰寡人若朝於薛不敢與

諸任齒君若辱貶寡人則願以滕君為請乃長滕侯

春秋莊公三十一年戊午夏四月薛伯卒

張氏曰薛始稱伯蓋降班而告終也

廬陵李氏曰薛以隱十一年來朝稱侯今稱伯諸傳皆無文杜氏於滕紀降爵皆以為時王所黜此獨不注或以為齊桓所黜亦未有考胡氏於此亦無傳不知用何例張氏或主沙隨程氏已見滕下

春秋成公二年癸酉冬十一月公及楚人秦人宋人陳人薛人鄆人

盟於蜀經書薛人與諸侯會盟始此

襄公元年己丑春正月仲孫蔑會晉荀罃滕人薛人圍朱彭城

二年庚寅冬仲孫蔑會晉荀罃齊崔杼滕人薛人小邾人於戚前小邾章

獻公穀

列國譜系

卷五

十五

春秋襄公五年癸巳秋公會晉侯薛伯十一諸侯於戚三國大夫

卮言曰經自莊公戊午書薛伯卒至此凡九十六年矣而薛伯

復見此獻公也襄公三十年間書薛伯者十二書薛人者七昭

公三十年間書薛伯者二書薛人者二薛以小國而嘗與大國

之會盟數十年不為禍亦不受禍此其治國交隣必有以自立

者卒諡曰獻有以也薛獻杞桓之類皆以享年之壽有植國之

規語云久道化成信矣

昭公三十一年庚寅夏四月薛伯穀卒左傳同秋葬薛獻公

襄公定獻公子

左傳定公元年壬辰春三月諸侯會城成周宋仲幾不受功曰滕薛

邾吾役也役也宋受功役薛辛曰宋為無道絕我小國於周以

我適楚故我常從宋晉文公為踐土之盟曰凡我同盟各復舊職

若從踐土若從宋亦唯命仲幾曰踐土固然薛辛曰薛之皇祖奚

仲居薛以為夏車正奚仲遷於邳仲虺居薛以為湯左相若舊書

職將承王官何故以役諸侯仲幾曰三代各異物薛焉得有舊為

宋役亦其職也晉士伯曰晉之從政者新子姑受功歸五服諸侯

府仲幾曰縱子忘之山川鬼神其志諸乎士伯怒乃執仲幾歸諸

京師

春秋定公四年乙未春三月公會劉子晉侯薛伯此八諸侯於召陵侵楚

定公十二年癸卯春薛伯定卒夏葬薛襄公

高氏曰春秋書薛卒者三葬者不日不月史文略也

薛伯比襄公子

列國譜系

卷五

十六

春秋定公十三年甲辰冬薛弑其君比

惠公夷比子

春秋哀公十年甲辰夏薛伯夷卒秋葬薛惠公

竹書紀年顯王二十九年辛巳邳遷於薛邳王十五年薛侯來會

魏王於金丘邳與薛同祖竹書紀年有邳人叛彭伯克邳此云邳遷于薛則薛滅矣而又有薛侯會魏當即是邳

孟子滕文公問曰齊人將築薛吾甚恐如之何則可王于金丘

卮言曰按孟子齊人築薛滕文憂之而孟子於薛饋兼金五十

鎰而受則是孟子時薛猶存也綱目顯王四十八年庚子之歲

齊王封田嬰於薛號曰薛公則故薛已滅矣又二十一年壬寅

魏惠王卒孟子去魏適齊據孟子所書則之滕之薛之齊宜在

一時據綱目則薛已屬齊矣所謂五十鎰之饋必非田文也豈

孟子未至梁時已至滕薛而薛存及其至齊而薛已亡歟以戰國策考之滅薛者齊也而唐書一為楚所滅又竹書紀王十五年有薛侯會魏王者距孟子去魏之時又二十年矣豈仲虺之薛滅於楚而邳遷之復滅於齊歟田文封薛而薛又別遷歟唐書曰薛之可記者豈生初初生厲侯陵生宣武侯房生京侯襄襄生莊侯元元生平侯貴貴生昭侯直直生襄侯夷夷生桓侯辨辨生康侯安與安與生定公襄生恭侯尚尚生景侯魏生宣侯伯勤伯勤生簡侯文歡文歡生惠侯夷夷黃黃生靈侯英英生文侯俱俱生隱侯清清生愍侯洪為楚所滅公子登仕楚懷王為沛公不仕隱於博徒所謂薛公也

路史曰薛自夏建侯歷殷周六十四世齊桓公時紂為伯後滅於

列國譜系

卷五

十七

楚

鄱陽洪氏曰左傳載魯哀公大夫云禹合諸侯於塗山執玉帛者萬國今其存者無數十焉漢公孫卿語武帝云黃帝萬諸侯而神靈之封君七千按王制所紀九州凡千七百七十有三國多寡殊不侔以環移之一君曾朝所將吏卒姑以百人計之則萬國之眾當為百萬塗山之下將安所歸宿乎其為斃言無可疑者所謂存者數十考諸經傳可見者唯薛耳薛之祖奚仲為夏禹車服大夫自此受封歷商及周末始為宋僂王所滅其享國千九百餘年傳六十四代三代諸侯莫之與比薛壤地褊小以詩則不列於國風以世家則不列於史記而春秋二百四十二年之間視同僑邾杞滕鄆獨未嘗受大國侵伐則其為邦亦自有持守之道矣

慶陵李氏曰昔先王之制國大者百里小者不能以五十為之建屬長連帥卒正州伯焉雖班爵不同而放禮正刑修德以尊天子其責一也薛諸任之國自奚仲為夏車正而遷於邳仲虺為湯左相而居於薛蓋先代封爵之餘也春秋之初稱侯以朝魯春秋之中嘗稱伯以會晉其不得為微國明矣然自來興之後凡百二十年薛君大夫無見於經者自盟蜀之後又百一十年間非從晉於盟會而薛事之特見於經者纔一二爾豈非其國衰弱不足以自通於諸侯歟蓋晉放之齊桓主盟諸侯官受方物晉世代伯列國聽政以受聘之數於是政令不常貢賦無定迄乎春秋之中不惟小侯弱邦率以為病而大國亦不勝其困矣故魯人會戚求屬邾也齊人盟宋請屬邾也至於城周之役宋雖傲然欲以三小國

列國譜系

卷五

十八

為弱役而絕薛於周吁先王建國同於藩屏王室而宋之為役尚何以為諸侯乎不特此耳觀晉悼始會薛實不來曰以齊故及崔杼既來薛大夫亦會則又以晉故異時嘗從楚又以薛適楚則又不能不惟楚令之聽也以最爾之國嘗役於宋矣又逼之以齊臨之以晉楚若何而國哉薛卒舉踐土之載書為言而仲幾亦曰固然考之踐土之盟薛子在諸侯之後意者文公雖復諸侯之職而不必盡動小國於會是時晉之從政者新亦卒莫能道文襄之故以復薛之舊者吁先王制諸侯建方伯之意微矣崇明祀休小寡之義隱矣惜哉

許世章

許文叔太岳之後也姜姬武王克殷封於許

世譜曰許姜姓與齊同祖堯四岳伯夷之後也周武王封其苗裔

文叔於許今潁川許昌是也自文叔至莊公十一世始見春秋

路史曰周武王封文叔於許以續太岳之嗣傳至德男伯封孝男

靖男康男武公文公至莊公始入春秋

穆天子傳曰天子西征還於南鄭休於漢澤見許男於滄上祭父

以天子命辭曰去茲羔

禮男執羔許男欲崇謙故執羔也許男不敢辭還取束帛

加璧毛公舉幣玉是日也天子飲許男於滄上天子曰朕非許男

而恤百姓也咎氏

咎猶

宴飲母有禮許男不敢辭升坐於出尊乃

用宴樂天子賜許男駿馬十六許男降再拜空首乃升平坐及暮

天子遣許男歸

莊公

列國諸侯

卷五

十九

春秋隱公十一年_巳秋七月壬午公及齊侯鄭伯入許

左傳公會齊侯鄭伯伐許遂入許許莊公奔衛鄭伯使許大夫

百里奉許叔以居許東偏曰天禍許國鬼神實不逞於許君而

假手於我寡人寡人有弟不能和協而使糊其口於四方其况

能久有許乎吾子其奉許叔以撫柔此民也吾將使獲也佐吾

子若寡人得沒於地天其以禮悔禍於許無寧茲許公復奉其

社稷惟我鄭國之有請謁焉如舊婚媾其能降以相從也王室

而既卑矣周之子孫日失其序夫許大岳之胤也天而既厭周

德矣吾其能與許爭乎

公新臣莊公弟鄭伐許莊公奔衛鄭伯立之以居許東偏_{十五年}

國四十二年卒共五十七年

春秋桓公十五年_{甲申}夏五月許叔入於許

杜氏曰鄭莊公奉許叔居許東偏莊公卒乃入居位許人嘉之

以字告也叔本不去國雖稱入非國近例

穀梁傳許叔許之貴者也莫宜乎許叔其曰入何也其歸之道

非所以歸也

廬陵李氏曰許叔宜入國而不得其道故書入公羊注以

為許叔本小國春秋前失爵在字例入者出入皆惡是蓋不知

入許之本末而妄為此說也此條穀梁得之

汪氏曰隱十一年魯及齊鄭入許許莊公奔衛鄭悉有許之士

地而使許莊公之弟許叔居許東偏以奉其祭祀是年鄭亂許

鄭之地不能與已爭故自入其國而君之也

列國諸侯

卷五

廿

家氏曰許叔之入入之善者也衛朔鄭突之入入之惡者也

僖公四年_{乙丑}春正月公會齊侯

八諸侯

許男曹伯侵蔡遂伐楚次於

陘夏許男新卒_{春秋}八月葬許穆公

左傳許穆公卒於師葬之以侯禮也凡諸侯薨於朝會加一等

死王事加二等於是而有以袞斂

僖公業穆公子在位三十三年

元丙寅

春秋僖公五年_{丙寅}夏及齊侯

凡八諸侯

許男會王世子於首止

六年_{丁卯}秋楚人圍許諸侯遂救許

趙氏曰左氏云蔡穆侯將許僖公以見楚子于武城許男面縛

衛壁大夫衰綏士與櫬楚子問諸逢伯對曰昔武王伐殷微子

啓如是武王親釋其縛焚其櫬禮而命之使復其所楚子從之按

楚本圖許以救鄭諸侯救許鄭圍以解楚師亦退許有何懼乃
隋蔡侯爲滅國之禮乎若爾許已從楚齊何故不伐許乎劉氏
云是後許男嘗與諸侯會知其初不降楚也

文公五年己未冬十月甲申許男業卒

昭公錫我僖公子在位三十年元庚子

春秋文公十四年戊申夏六月公會諸侯許男晉趙盾同盟于新城

宣公十七年己未春正月許男錫我卒夏葬許昭公

靈公審昭公子在位四十五年元庚午

左傳成公二年壬申晉伐齊楚救齊王卒盡行彭名御戎蔡景公

爲左許靈公爲右二君弱皆疆冠之遂與諸侯盟于蜀

左傳許恃楚而不事鄭鄭子良伐許

列國諸系 卷五

冬十一月鄭伐許

程氏曰鄭伐於楚一年而再伐許故夷之

四年甲戌冬鄭伯伐許

左傳十二月鄭公孫申帥師彊許田許人敗諸展陵鄭伯伐許

取鉏任冷敦之田

應陵李氏曰鄭自隱十一年入許之後鄭許世讐至此凡書於

經者又四侵伐矣然據左氏所記則鄭戰之後鄭許首如楚蜀

之後許乘楚車是許與鄭皆南面事楚者鄭方從楚何得如此

晉楚之救不書於經事未可信也

又五年乙亥許靈公愬鄭伯于楚六月鄭悼公如楚訟不勝鄭伯

歸請成于晉八月鄭伯及晉趙盾盟于垂棘十二月諸侯同盟

于蟲牢鄭服也十四年甲申八月鄭子罕伐許敗焉戊戌鄭伯復

伐許入其郛許人平以叔申之封

十五年乙酉冬十一月許遷于葉

左傳許靈公畏偃於鄭請遷于楚楚公子申遷許于葉

張氏曰葉汝州葉縣葉近楚而楚遷許以自近中國盟主不能

安小國而使之昵蠻夷以求安春秋深以著小國之失所也

高氏曰許微弱之國隣於鄭鄭亟加兵今遽遷焉蓋畏鄭而南

依楚故以自遷爲文

春秋襄公三年辛卯冬晉荀偃帥師伐許

左傳許靈公事楚不會於鷄澤晉知武子帥師伐許

十六年甲辰夏五月叔老會鄭伯晉荀偃衛甯殖宋人伐許

左傳許男請遷於晉晉以諸侯會漫梁遂遷許許大夫不可晉

人歸諸侯荀偃伐楚敗之遂侵方城之外復伐許而還

二十六年甲寅秋八月壬午許男甯卒于楚

左傳許靈公如楚請伐鄭曰師不興孤不歸矣八月卒于楚

高氏曰十六年晉伐許他國皆大夫獨鄭伯自行故許男欲報

之以中國諸侯而卒於夷狄死非其所矣

悼公買靈公子在位二十四年元乙卯

春秋昭公元年庚申春正月叔孫豹會晉趙武楚公子圍及諸侯許

人于號

四年癸亥夏楚子蔡侯陳侯鄭伯許男及六諸侯會于申

左傳許男如楚楚子止之遂止鄭伯復田江南許男與焉使椒

列國諸系 卷五

五

舉如晉求諸侯二君待之楚以諸侯滅賴遷賴於鄢楚子欲遷許於賴使公子棄疾城之而還

九年戊辰春許遷於夷

左傳二月庚申楚公子棄疾遷許于夷實城父取州來淮北之田以益之伍舉授許男然丹遷城父人於陳以夷濮西田益之遷方城外人於許

十八年丁丑冬許遷於白羽

左傳楚左尹王子勝言於楚子曰許於鄭仇敵也而居楚地以不禮於鄭晉鄭方睦鄭若伐許而晉助之楚喪地矣君盍遷許許不專於楚鄭方有令政許曰余舊國也鄭曰余俘邑也棄在楚國方城外之蔽也土不可易國不可小許不可俘讐不可啓

列國譜系

卷五

三

君其圖之楚子說冬楚子使王子勝遷許於析實白羽

十九年戊寅夏五月戊辰許世子止弑其君買

左傳許悼公癡飲太子止之樂卒太子奔晉書曰弑其君君子曰盡心力以事君舍藥物可也

許男斯世子止之弟在位十九年元巳卯

春秋定公四年乙未春三月公會劉子晉庚許男十七諸侯于召陵侵楚

夏六月許遷於容城

張氏曰容城地名任公輔以為華容縣亦析之近地

王氏曰許四遷皆受楚令經悉以自遷為文蓋遠害就利而願遷也

六年丁酉春正月癸亥鄭游速帥師滅許以許男斯歸

張氏曰許自隱十一年齊魯鄭之入大抵困於與鄭為隣至成

十五年畏鄭而遷葉昭九年遷夷十八年遷析定四年又自析

遷容城以依楚不三年楚困於吳鄭遂滅之然哀元年以後許

復見者楚又存之也太岳之後其亡一見害於鄭其存一恃於

楚不過百年韓遂滅鄭亦有由矣

元公成史無在位二十二年

春秋哀公元年丁未春正月楚子陳侯隨侯許男圍蔡

汪氏曰楚復封許春秋不與楚人得封故但以自復為文亦猶

蔡平陳惠之封於楚而以自歸為文也

十三年己未夏許男成卒秋葬許元公

凌氏曰汪氏以元公卽斯也年表斯亡元公成在位二十二年

列國譜系

卷五

五

許公結元公子

春秋疏曰漢潁川郡許縣故許國文叔所封二十四世為楚所滅

楚云許年世史傳無考

應陵李氏曰許在春秋不得為微國也春秋書許之事甚略何

也春秋列國久於從夷者莫許若也齊霸未衰許嘗從齊言伯方

競許常貳晉一意從楚而始終見偏於鄭無以自立故春秋略之

莒世章

莒子茲夷期帝少昊之後也已姓

春秋正義曰世本莒已姓文八年傳稱穆伯齊莒從已氏是莒之

姓已見於傳也譜云莒嬴姓少昊之後周武王封茲與於莒初都

許後徙莒今城陽莒縣是也世本自紀公以下為已姓不知誰賜

之姓者十一世茲丕公方見春秋

路史曰莒輿斯始都計二世茲丕歸莒至紀公復紀姓

莒子

春秋隱公三年庚申夏五月莒人入向秋九月紀子伯莒子盟于密

左傳莒子娶于向向姜不安莒而歸夏莒人入向以姜氏還

四年壬戌春二月莒人伐杞娶牟婁

八年丙寅秋九月公及莒人盟于浮來

桓公十二年庚辰夏六月壬寅公會杞侯莒子盟于曲地

莊公二十八年乙卯冬莒慶來逆叔姬

僖公元年壬戌冬十月公子反帥師敗莒師於鄆獲莒軍莒子之弟

左傳二十五年丙戌衛人平莒於魯乃盟於洮修衛好及莒早也

列國諸系

卷五

圭

茲丕公

春秋僖公二十六年丁亥春正月己未公會莒子衛甯速盟于阿

左傳公會莒茲丕公甯莊子盟于阿尋洮之盟

杜氏曰茲丕時君之號莒夷無諡以號為稱

二十八年己丑夏五月癸丑公會齊侯齊侯宋公蔡侯鄭伯莒子盟

于踐土冬公會齊侯諸侯莒子邾子于溫

紀公庶其

文公七年辛丑冬徐伐莒公孫敖如莒蒞盟

左傳穆伯娶于莒曰戴已生文伯其姊聲已生惠叔徐伐莒莒

人來請盟故穆伯如莒蒞盟

文公十八年壬子冬十月莒弑其君庶其

左傳莒紀公生太子僕又生季佗愛季佗而黜僕且多行無禮

於國僕因國人以弑紀公以其寶玉來奔納諸宣公公命與之

邑曰今日必受季文子使司寇出諸竟曰今日必達公問其故

季文子使太史克對曰云云詳類

渠丘公朱

春秋宣公四年丙辰春正月公及齊侯平莒及邾莒人不肯公伐莒

取向莒邾有宿怨齊魯平之而莒不肯故伐之

十一年癸亥夏公孫歸父會齊人伐莒

十三年乙丑春齊師伐莒左傳莒恃晉而不事齊故也

左傳成公七年丁丑晉侯及諸侯同盟于馬陵莒服故也莒屬齊齊服晉故莒從之

八年戊寅秋晉侯使申公巫臣如何假道于莒與渠丘公立

列國諸系

卷五

圭

於池上曰城已惡莒子曰僻陋在夷其孰以我為虞對曰夫狡

焉思啓封疆以利社稷者何國蔑有唯然故多大國矣唯或思

或縱也勇夫重閉況國乎

杜註曰渠丘公莒子朱也池城池也渠丘邑名莒縣有遽里

正義曰渠丘莒之邑名夷不當有諡或作別號此朱以邑名為

號不知其故何也

春秋成公九年己卯春正月公會晉侯齊侯諸侯莒子杞伯同盟于蒲

冬十一月楚公子嬰齊帥師伐莒庚申莒潰楚人入鄆

左傳楚子重自陳伐莒圍渠丘渠丘城惡衆潰奔莒伐申楚人

渠丘莒人囚楚公子平楚人曰勿殺吾歸而俘莒人殺之楚師

圍莒莒城亦惡庚申莒潰楚遂入鄆莒無備故也君子曰恃陋

而不備罪之大者也備豫不虞善之大者也書得其陋而不修城郭浹辰之閒而楚克其三都無備也夫

穀梁傳其曰莒雖夷狄猶中國也大夫潰莒而之楚是以知其上爲事也惡之故謹而日之也

十四年甲申春正月莒子朱卒

黎比公密朱之子

春秋襄公六年甲午秋莒人滅鄆

八年甲申夏莒人伐我東鄆左傳以鄆鄆田益莒既滅鄆終於其是侵其西界故莒伐魯東鄆正之

十三年戊辰春三月莒人伐我東鄆圍台季孫宿帥師救台遂入鄆

十六年甲寅春三月公會晉侯莒子十一諸侯于溴梁晉人執莒子朱子

以歸詳章

列國譜系 卷五

十八年丙辰冬十月公會晉侯莒子十二諸侯同圍齊十九年丁巳春正月

諸侯盟於祝柯

二十年戊午春正月辛亥仲孫速會晉人盟于向莒數伐魯前年諸侯盟祝柯和解之

二十三年辛酉冬齊侯襲莒

左傳齊侯還自晉不入遂襲莒門于且于傷股而退莒人行成

齊侯歸二十五年癸亥夏莒爲且于之辱故莒子朝于齊

三十一年己未冬十一月莒人弑其君密州

左傳莒黎比公生去疾及展與旣立展與又廢之比黎公虐國人患之十一月展與因國人以攻莒子弑之乃立去疾奔齊齊

出也展與奚出也書曰莒人弑其君買朱鉏言罪之在也

杜註曰買朱鉏密州之子

扈言曰莒黎比公之世與諸侯會盟春秋序在曹之下邾滕之上書莒子者十七書莒人者七雖嘗伐魯而卒與魯盟雖見襲於齊而又朝於齊也此其治國交隣亦可謂能矣而竟以廢嫡立庶致殺身之禍豈其老而智昏耶雖然晉獻齊桓亦以嫡庶不明幾于亡國也何責莒子哉

莒展與

春秋昭公元年庚申春三月取鄆

莒展與

左傳季文子伐莒取鄆莒人告於會楚告於晉曰尋盟未退而

魯伐莒潰齊盟請戮其使趙孟請諸楚曰魯叔孫豹可謂能矣

請免之以靖能者莒魯爭鄆爲日久矣苟無大害于其社稷可

無尤也去煩者善莫不競勸于其圖之固請諸楚楚人許之乃

免叔孫

列國譜系 卷五

秋莒去疾自齊入於莒莒展與出奔吳

左傳莒展與立而奪群公子秩公子召去疾于齊秩齊公子鉏

納去疾展與奔吳魯叔弓帥師彊鄆田因莒亂也

杜註曰弑君賊未會諸侯故不稱侯

正義曰釋例云諸侯不受先君之命而篡立得與諸侯會者

則以成君書之若未得接于諸侯則不稱爵傳云會于平州

以定公位又云先君若有罪則君列諸會矣此以會爲斷也

故杜云然

者丘公去疾

左傳昭公四年癸亥莒若丘公立而不撫鄆鄆叛而歸魯故魯取